

و امر هم شوری بینهم

«اعلاى دين»

فکر عمومی

«تخلص وطن»

نومرو ۸ ۶ رمضان المبارک ۱۳۱۴

شورای امت

۸ شباط افرنکی ۱۸۹۷ سنه ۶

آدره سمز:

ابونه بدلی : هريرايجون سنه لکي برانکلير ايسيدرو . بازار ايرتسي کونلري لشراولنور .

داخله بولنان ارباب غيرت وحيته نشر و تعميمنى تعهدايتديکي
حاله مجاناده کوندريلور .

نه ممکن ظلم ايله بيداد ايله احماي حریت
چالیش ادراکي قالدير مقتدر سهک آدمیتدن
کل

وسائط مخصوصه ايله ايسته ينلر ايجاب ايدہ جک فضلہ

اجرتی کوندر ملیدر

نسخه سی ۲ غرو شدرد

قانون اساسی - صندوق البوسته نمرة « ۳۳۰ »
مصر القاهرة CANOUN - I - ESSASSI

BOITE SPÉCIALE

N. 330

CAIRE, (Egypte).

افکار عمومی ملیه نی تنویر ایلہ وطن مقدس مزک تخلصنی شریعت و حیت نامنه طلب ایدن جریده مزک تعمیمی هر مسلم و عثمانلی ایچون بر فریضه در

اوقدر ده اتعاب فکر ایتمک حاجت قالمدی .

سیئات اورته ده طور بیور . آزاچق دوشونیلورسه اداره حاضرده مین براییکونومه سی کوستریلان شرع شریفه موافق اولدیغی تظاهر ایدر .

چونکه : بیت المال مسلمین هیچ کیمسه یه صور لمق سزین برطاقم لزومسز . قائده سز برله ، ناموسسز جاسوسلره ؛ اکه مهم مأموریتلر تعیین اولنان اکه اهلیتسز ، اکه حیض مرتکب مأمورلر بول . بول طاغیدیلور . صوکره و تافیه رق خزینه نك مضایقه سندن بحث اولتیور . دوغریدر . بو آتیه معدنی طیانور ؟ حکمت تبعه خرساییه مستطوطیسه رق صاحبسز قلان اهالی مسلمة نك اتمک پاره سنه ، مصر جورباسنه محتاج اولانلرندن بیله اغانه تشل اولندیغی برصرده کندی تعبیرلرجه . صداقت و اهلیتلیته مکافاة فلان و فلان کیمسه لر ضم معاش ، بونه ؟ ! ناوله جق ! جنت ایچنده برزاک ! ...

برطرفدن ده استقراض ، بو بورجلری کیم اوده یه جک ؟ ملت ، الله عقال ویره ملته قاشینه جق طریق بر اقایلمی ؟ ملت بارکران مظالم اتنده قیورانه قیورانه ازیلوب محوایور .

مصالح ملیه مری حسن تسویه ضمنده حکومتک ، اداره کیفیه سنه مانع اولوق صلاحیتی شریعتدن الان خبرخوانان امت هوسکاران استبدادک پنجه غدارانه سنه مقاومتدن بالطبع عاجز قالیور وظائف شرعیه لرینی ایفا ایدمه یور . مشورت لغردیسی قاله آلمق نه ممکن . اماملریسه محرابلر ده « و شاورهم ... » آیت کریمه سی قرائته جبارت ایدمه یور .

مسالك عثمانیه اطرافی احاطه ایدن دشمنلره قارشو بیوک برهنگه آلتده بولتیور . حدود بوننده استحکام واری ؟ عسکرلر نه حالده ؟ لیانلر ده دوتتاکوره بیلور میسکر ؟ شمندوفر نه ده ؟

اشته شو تعداد ایندیگم احوال اسف اشتال هب اتفاقسزاق بلاسی اتحاد سزلق سیئه سیدر . بناء علیه دین و ملتک بقا و حیاته بر خدمت اولوق اوزره اول بول حکومتی پنجه استبداددن قویاروب وجه شرعیسنه ارجاع ایچون :

« واعتصموا بحبل الله جميعا ولا تفرقوا » امرالهیسنه امثالا عقد اتفاق و اتحاد ایتک وطنی ملحوظ اولان او مخوف مخاطره دن اومدهش و خامندن قورتارمق

ایچون متحداً و متعاوناً کمال اهتمام ایله سی و غیرت ایتک هر مسلمان و هر عثمانی ایچون وجیه ذمتدر .

فضای علمادن

و . ظ

عصر حاضر یادکارلی

حمید حیلر

وطن خاتلرینی تعیردیگرله حمید جیلری متعدد اقسامه تقسیم ایتش و وکلادن تا (میداغوق) لره یعنی چرکس کوله لرینه وارنجه یه قدر بو اقسامه منسوب یادکارلر ، فضائل شرعیه دن مردود مخلوقلر بولندیغی اولجه ده بسط و بیان ایلش ایتک

(قانون اساسی) مزک اکه مهم بر وظیفه سیده بوملت خاتلرینی برر برر تشهیر ایدی . اغراض شخصیه دن ازاده اولان بوتشبتک قارئین کرامتک القشایرینه مظهر اولسی بیت خالصانه مزک ثمره سی اولدیغیسن بونسخه مزده دخی ناموس عسکرینسی ، وجدانی ، مقدس وطنی ایاقلر الله المش بولنان بریادکار دن بسط مقال اوله جفزه کده در سعادت مطبوعات رفیله سنک نام بدنامنه علاوه ایتدیگی تعیران بی معنا موجبنجه دولتلو عطفولو سرعسکر ظفر بیکر رضا پاشا حضرتلریدر !

رضاستانبولی در مکتب حربیه ده بولندیغی ائشاده کندیسنه قوجه مصطفی پاشالی « جوز » رضا تسیمه اولتیور دی ؛ چونکه فقیر برعائله یه منسوب بولندیغدن اوجیش غروش خرجیاق تدارکی ضمنده ثروتی یولنده اولان ارقدا شریعه دالفا و قاق ایدرک جوز و میوه صامتسی جوز القابنه مظهریتی موجب اولمشدی . کندیسنه ذکادینلان دویعه دن ذره قدر اثر کوریه مدیکندن علوم و فونه عرض اشتیاق ایتز و کیمه کوندوز مشاغل ذهنیه سی یادوس زمانلرنده « بدر . بدر . » اوزون اشک « آیم و طوره » او بولنرنده بر قاندها ابراز مهارت ایده بیلیمک یولنه منحصر ایدی . کتاب مطالعه سندن نقرتایدر ، پهلوانلق کچی ریاضیات بدیهه ده ایسه هر وقت برخیلیک قزاین ایدی .

بوصورتله مکتبدن بیک مشکلات ایله حقیقه رق روم ایلی اردولرندن برینه اعزام اولنشدی ، تدریجی بیکباشلیق ربه سنی احراز ایتدی روسیه محاربه سندن

صکره قائم مقام اوله رق از میر مرکز قوماندانانی معاونلکنه تعین ایدلدی اورادن بیلدیزه جاندی سلطان حمیدک ارا بوبده بوله مدینی یادکارلردن اولدیغنی کوستردی ، بوزمالدن اعتبار آ مرقوم جوز رضایه برده حمید جیلک علاوه اولندی .

امت عثمانیه نك حیات ابدیسنه سؤقصدایدن براداره متغلبانه ونبرودانه نك تأسیس و کشادی کیم مایشاباشی بوش حرکت ایتک صورتیه حصولدیر اوله جنی ادراک بیورلدیغدن همان اسبابک تپیه سنه و ایجابنک اجبراسنه بدایت جلوسده باشلانمش ایدی ؛ فقط مبتدیک حسابیه عجله ایتکده هر درلو مخاطره ملحوظ اولدیغندن تانی ایله حرکتی دستور موفقیت اتخاذ بیوردی . یوقسه ده اوزمانلر شهید مقدس مدحت پاشا نك اغدای ، واصلاحات طرفدارلرینک محوی تقرر ایتش بر کیفیت ایدی وقت کلدی سایه شاهانه ده غائب ایتدیگم محاربه عقینده والی اهلیز نه یه اوغراقلرینی اکلایه مدقلمی بر زماندن استفاده اولندی . سلطان عزیزک انتحاری قتله تبدیل اولندی ، مدحت پاشا ایسه اوروا منفساندن بیک درلو رجا و نیازلردن زیاده وطنه داخلده ایده جکی خدمتی نظر اعتبار و انصافه له رق و حقه توکل ایدرک دائره استبداده عودت ایتش و سوریه ولایتده برمدت والیک ایتدکدن صکره از میره نقل مأموریت ایلش ایدی ، بواره لقی جوز رضاده از میر ریختلرنده یووار لیوردی .

شهید مدحت پاشا نك صورت توفیق معلوم اولدیغدن تفصیلا ندن صرف نظر ایدرز انجق مشار الیهک توفیقی امری از میره کلدیکنده مرکز قوماندانی مرحوم حلی پاشانور و حلی برذات اولسی حسیله بوا میری اجراهه ترده کوسترمشدی ؛ لکن قائم مقام رضادات اقبال پرستانه سوبقه امری اولان حلی پاشا نك امرینی المقسزین همان یکی بلوکلره فرانسز قونسلو سخانه سنی جورمش والی الابد فرانسز لر ایچون شین اولان تسلیم معامله سنی تعجیل ایلمشدی .

ومدحت پاشا نك تسلیمه بدل تونس طرف شاهانه لردن فرانسه یه هدیه ایلش ایدی .

بوصورتله تحت الحفظ مدحت پاشانی استانبوله کتیردیکنک مکافاتی اوله رق رضایه میر الایاق ربه سنی توجه ایتدی و بندکان صداقتشان دقتر منفورینه اوزمان قید و چراغ بیورلیدی . واقعا از برمدت صکره

نمرسفی اقطاع ایدہ بیلدی. لوا، صکرہ ایکنجی اردویہ فریق برمدت دھا صکرہ ایکنجی فرقه قوماندانی اولہ رق ملک باشنہ بلا کیلیدی. ایکنجی فرقه قدہ کی مأموریتندہ دخی رضاباشا ساخته باباکتلتک کوسترمدن حالی قامدی. مشرب حیدری بیوچہ کلامش اولدیغندن بیلدیزینک سرعسکرلکه قدر حکمی اولدیغنی تخمین ایدیسوردی. تلویٹ ایتدیکی اوسفورمہدن پہلوانقدن باشقہ کندیسندہ اوفق برمرزیت، حسیس بر معلومات بولدیغندن ترقی اتمک ایچون ساخته کارلخه، دسیسہ به احتیاج مس ایتدیکنی تقریر سورہ رقی اردو امراسنک، ارقداشلرینک علیہندہ آرب طوغتغہ باشلادی، رسا آمرینک امرینہ اطاعت، اجز اولدی. برطرفندہ یاد شاکل الدانیغنی سوبلر دیگر مارفدن ایسہ سرای حرم اغالرینہ، ختکارک کوزدہ اوشاقلرینہ ورنجہ به قدر تبصص ایتکدن عاروحیا ایتزدی، فضلہ اولہ رق یادزدہ وقوعہ کلن برایی وقہ اتاسندہ طوغریسی ابرازہتر ایلدی، ہنہ برکیجہ ہواغازلرینک سوتمی اوزرینہ محافظہ نفس ہایون ایچون ہان عسکری سلاح التہ المسی و سرائی خفیہ لرینک یانندہ ایکدہ بردہ (افدمن امرادرسہ استانبولی یاقوب کول ایدرم) دیمی سرعسکرلک ایچون نامز دلنسنہ سبب مستقل اولدیغنے شہہ ایدیلہمز. ولی نعمت افدیسیدہ بوغیرتی کورہ رک برینی دہایتشد. ردم دیہ رک افتخار ایتش اولسی طبعیدر، نصل ایتمسون کہ غازی عثمان باشاک عزلندن صوکرہ امرای عسکرہ مزدہ هیچ آدم قالمش کی مشیرلککہ مرقومی سرعسکر تعین ایتدی. ہر ایکسیدہ نائل مرام اولدیلر، چونکہ عبد الحمید سرعسکرلک مقامندہ جاہل، حیتسز، کور آت اولہ حق واردلری نمکن اولدیغنی قدر تحریب ایدہ جک خان بر آدم استردی. مرحوم حسین عون پاشا کی زمانندہ حکمدارلرہ بیلہ حدیثی بیلدیرہ جک دکل حتی غازی عثمان پاشا کی مطیع ومسکین برمشیردن بیلہ نفرت ایدر اولدیغنی آتاری دلالتیلہ مثبت اولان وقوعہ اتدندر.

رضانک ارزوسیدہ برینی بولدی. بول بول معاشرلر ارتکابلہ مساوی اولان احساہلرالدی و آلیور. ابرادرلر، قوناقلر یادیوریور، عسکری قوتلر تجاہلہ مشترک معاملہ سی اولدیغنی متواتراً ثابت. شہزادہ باشندہ کی، بک اوغلندہ کی مغازلر آج اولان ملتیک کوزینہ باتیور بوشنارلک ہرجیویسی ہر تخنہ سی اہانت دنات دیہ باغیور. ایشٹہ ای مظلوم ملت! سزہ سرعسکر ظفر پیکر رضاباشا حاضر تاریرنی تقدیم ایدیسورز.

حوادث

— مشیر فواد پاشا بیروت والیکتہ تعین اولنہ رق ارادہ نک صدورندن بش کون صوکرہ حرکتی امر اولنش، لکن مشار الیہ رضائی استانبولندہ چیقارہ رق اوزرہ مأموریتی قبول ایتش.

— پارسدہ بولتان اتحاد و ترقی جمعیتی طرفندن، پارس و برلین معاہدہ نامہ لرندہ امضاری بولتان دول ستہ خارجیہ نظارتلرینہ ۶ کانون ثانی تاریخیلہ بر مخطرہ و بریلہ رک قانون اساسینک اعادہ سی طلب ایدلش واستانبولندہ کی سفرا مذاکرآتک بوجہتی نظر اعتبارہ آلری توصیه اولنشد.

— حلبندہ محاکمہ ستہ قرار ویران مظهر بک مسئلہ سی کنہ اوزامشدر؛ زبرا محکمہ دہ حاضر بولنسان فرانسہ و ایتالیا ترجمانلری ہیٹ حاکمہ میانندہ مرعش محکمہ سی ارکانک بولنسنی بر استوایدلرک چیکلمشدر. — ذات شاہانہ نک احوال حاضرہ دن متأثراً خستہ

لندیغنی و کیمسہ بی یانہ قبول ایتدیگنی حقندہ دوران ایدن شایعہ بی تکذیباً لوندہ سفارتی باب عالی نامنہ ۲۸ کانون ثانیہدہ آژانس روترہ برنوطہ و برمشدر!

کہ کوایذات شاہانہ بختندہ (!) اولوب یانہ دائمشا سرای ارکانی قبول ایتکدہ ایتش! سبحان الله! مسار برونی، دربند، مصلق قرہ قوللریلہ بالومجی جفتلکانی، شیشی، بک اوغلی، غلطہ، بشکطاش، اورتہ کوی آنورد کوی قرہ قوللریلر برنجی، طاش قشلہ، ماجقہ، اخلامور، قلتج علی، مجیدہ و بیلدیزتہ سی قرہ قوللری ایکنجی، و سرباہ متصل داخل و خارج قرہ قوللر

اوجنی خطوط تدافعہ بی تشکیل اتمک اوزرہ ملتہ قارشی استحکاملر ایچندہ نجات آرایان بر بادشاہہ کیمسہ بی کورمیور (چونکہ اقارب؛ بشدکان ملتدن دکل حتی

انساندن بیلہ صاییلہ مز) ازوادہ یاشایوردینلورسہ، جنتک لک جلی برہانی اولان بوحالہ قارشی خستہ اولدیغنی اشاعہ اولتورسہ تکذیبہ فصل یوز بولنور بیلہ میز!

— مکتب حربیہ درس ناظری میرلوا توفیق پاشا نک افکار حرہ سندن دولای توفیق اولنہ جغنی حس ایدرک مالک اجنیدہ التجا ایلدیکی خبر ویریلور.

— شباط تاریخی تلغرافلر استانبولندہ سفرا مذاکرآتک ایتدیکی خبر ویرمشلر ایسہ دہ هنوز باب عالی یہ تبلیغ ایدلکینہ دائر بر معلومات یوقدر.

— اقدام غزتہ سی ۸ کانون ثانی ۳۱۲ تاریخی نسخہ سندہ انکترہ پارلمنتوسی اعضا سندن «ہواردوینسنت» ک شفیلدہ ایراد ایتدیکی برنطقندہ ترکیہ حبسخانہ لرینی سرایا کنزدیکی وغایت مکمل اولوب محبوسینک کال استراحتلہ وقت کچیردیکی حتی اسلاملارہ مخصوص برجامع ایلہ خرسٹیانلرہ مخصوص بر کلیسا بولدیغنی بیان ایلش اولدیغندن بحالہ بغض عرضکارانک روایات کاذبہ لرینی ردہ ہمت ایدیلور!

عین زماندہ استانبولدن آلدیغمز بو مکتوبدہ «ہواردوینسنت» ک کوسترلین محاکم دارالعجزہ اولوب محبوس دیہ تقدیم ایدیلنلرک دخی وکلای واکلائک متقاعد آغالندن عبارت اولدیغنی خبر ویریلور! آرتقی بیلدیزک رزالتی زمرہ قرہ قدر وارددیغنے بوندن بیوک برہان اولورمی!

— کریدہ کتہ قاریشقلی ظہوایدلرک اونی متجاوز وفیات اولمشدر. دول اجنیدہ و پورلرینی کوندرمشدر! و عسکر دوک رک قرہ غول خدمتنی کوریلرملش! کلہ جک نسخہ دہ تفصیلاً یازیلہ جقدہ.

آچیق مخابرہ

۲۰۰ و ۲۰۰ نل مکتوبلری منتظماً آلتفندہ واچ درت ہفتہ دہری جوابلری منتظماً (مار....) ک کوندرلمکدہ در. بناء علیہ دقلہ آراعی و ایجاب ایدن بجلدن صوریلہ رق نظر دقلک جلب ایدلسی لازمدر جواب بکنیور.

صافی، نیازی، جہادی، فکری و سائرہ نک مکتوبلری آلتمشدر، تشکر اولتور.

عثمانی پوستہ ادارہ مرکبہ سندن عموم پوستہ لرہ تعمیم اولتان برامردہ شہلی مکتوبلرک آچیلیمسی و کیزلی مرکبہ یازملری احبالہ مبنی اصول معاینہ لری بیلدیرلمشدر:

تحریراتندہ کوستریلان اصوللر: مازی مطبوحی (تائن) قوبات، نیکل، قورشون، بیرموت، باقر، حیوہ، کبریت کیانوس اصغر، نشاستہ، صوغان و شلغام صولری، پیروقاتہ شین، قور بدرات، دومیتل آلیین اوزرینہ در. ایجاب ایدنلرک دقتی جلب اولتور.

واحرارک یوقدر وسائیلہ رغماً بولہ شیارہ افتقار ایدہ مہ جکی آکالہ میان حکومتک بک کچ قالاں بودرایی انظار عبرتہ عرض ایدیلور!